



Universitätsbibliothek Paderborn

**Tractatvs De Fiducia In Devm Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 5. Excellentia timoris Dei conjuncti cum fiducia in Deum.

[urn:nbn:de:hbz:466:1-50333](#)

cumdant, cruciant, exedunt, ac mille quotidie mortes inferunt. Verissimè de his dixit Prophetæ : *contritio & infelicitas in viu eorum, viam pacis non cognoverunt : non est timor Dei ante oculos eorum.*, sal 13. Hinc inquietum est cor eorum & perpetuis formidinum motibus agitatur, velut concitatum fluctibus mare: omnia tuta timent, apes & vespas, ignem & aquam, famam & sitim, amicos & inimicos, notos ignotosque, domesticos & extraeos, morbos, infamiam, egestatem, vitam & mortem.

§. V.

Excellencia Timoris Dei conjuncta cum Fiducia in Deum.

O Stende mihi hominem omnium maximè inclytum dicebat sapiens quidam hebreus, si timorem Dei non habet, operatus est sine instrumentis, immo dici potest homo sine ullâ virtute & scientiâ, nam si caret Dei timore, caret & gratiâ, si gratiâ, caret omnibus. At timent Dominum, ait Ecclesiasticus c. 34. *beata est anima ejus. Ad quem respicit & quis est fortitudo ejus ? Oculi Domini super timentes eum, protector potentiae, firmamentum virtutis, tegimen ardoris & umbraculum meridiani, deprecatio-*

X 7

offen-

„offensionis & adjutorium casus, exaltans
„animam & illuminans oculos, dans sanitati-
„tem & vitam & benedictionem. Sed adver-
tendum est admirabiles hos, qui Dei Timori
adscribuntur, effectus non ori i proximè ab
ipso, sed potius à Fiduciâ in Deum quæ ex eo
progignitur velut ex calyce flos aut ex vite
pampinus. Unde Fiduciæ tribuendum est
quod de Timore roties canit Psalmista:
Quàm magna multitudo dulcedinis tua Domine, quam abscondisti timentibus te: psal.30.
Et iterum: *Voluntatem timentium se faciet, deprecationem eorum exaudiet, & saluos faciet eos.* Nec solum nihil deest timentibus
eum, nec ipse solum salus eorum, fortitudo
& murus inexpugnabilis & protector vitæ
eorum est, sed etiam ipse docebit eos, & mani-
festabit illis se tales esse. Sic explicat car-
dinalis Bellarminus illum Psalmistæ versum:
Firmamentum est Dominus timentibus eum, & testamentum ipsius ut manifestetur illi.
Hinc omnes Sancti Timorem Dei prætule-
runt omnibus mundi thesauris, eumque con-
servare studuerunt cum periculo & jactura
honoris, opum, vitæ, & omnium quæ possi-
debant in terris. Hoc clamant Sancti Dei
Martyres in acerbissimis tormentis & crucia-
tibus quos læti ac alacres in corporibus suis

per-

pertulerunt, ut conceptum animis Dei timorem non perderent peccato quod immannissimus est & unicus tyrannus qui matrem cum filia perimit, hoc est Timorem Dei & Fiduciam in Deum quam ille gignit. Hanc Timoris divini excellentiam considerans senior Tobias in illa egregia quae vitæ suæ postrema putabat, quæque velut dives patrimonium filio suo relinquebat, verba erupit: *Noli timere, fili mi: pauperem quidem vitam gerimus, sed multa bona habebimus, si timuerimus Deum.* c. 4. Sub exiguo cortice ingens latet medulla, & paucis verbis multa complectitur. Ita loqui solent sapientes; brevis sermo docti abundat sensu, verba numerata proferunt, quæ totidem oracula sunt mysterioris involuta. Quod si Vir sapientissimus cogitationes suas verbis explicare copiosius voluissest in hanc sententiam, quantum ego afferre qui possum, differuissest. Fili mi, nunc tempus postulat ut corde paterno ad te loquar & aperiam intimos recessus animi mei, atque ad extremum tibi testatum relinquam, de quo tamen nunquam dubitare potuisti, deditissimum sincerissimi mei in te amoris affectum; & si forte naturæ oblitus & viri probi essem immemor officii, ætas tamen mea & præsens status in illud me tempus adduxerunt

quo



quo maximi adulatores solent liberè loqui,
& mendacissimi quique veritatem profiteri.
Facile mihi credes dicenti quod in hanc corporis infirmitatem non me adduxit magnitudo imperii, negotiorum moles, curarum varietas, labor in amplificandis divitiis, timor in conservandis, dolor in amissione; nec terra mari, rive institutis itineribus fatigayi me, ut aurum, argentum & peregrini orbis munera, aut avium exuvias, aut piscium vermumque excrementa congererem majori cupiditate quam merce; non consumpsi vires & industriam in exstruendis magnificis aedibus, coemendis villis, plantandis vineis & olivetis, ordinandis pomariis & colendis hortis. Nunquam haec in bonis aestimavi quæ tantorum sunt irritamenta malorum, de quibus tam cruenta bella gerunt reges, litigant principes, laborant divites, cruciantur avari: quæ communabilia fortunæ membra innumeris sunt exposita casibus: nam vel subducuntur à furibus, vel rapiuntur à prædoniis, vel absuntur flammis, vel aquis obruuntur, sine labore non acquiruntur, sine timore non possidentur, sine dolore non perduntur. Quomodo haec bona dicam, aut quomodo ipsa possunt possessorem suum beatum facere? Et nihilominus, quod nunquam satis

satis potui mirari, amatores habent suos, habent sui studiosos qui diu noctuque nihil aliud agant, nihil aliud cogitant quam ut possint per fas nefasque divitias accumulare. Neque porro quæsitæ ex alieno orbe deliciæ, aut longæ epulæ aut frequentia convivia & quotidiane commissationes valetudinem meam afflixerunt; sed in his omnibus sæpe numero mortalium accusavi stultitiam, quod iis tantopere inhiarent, quæ semper torquent possidentem, quæ & malis sunt communia & non faciunt quemquam bonum nec felicem, sed miserum potius & ad vitia quæque inducunt. Idcirco amavi semper ea bona quæ Deo & hominibus probantur & meliorem faciunt sui possessorem. Unde longâ multorum experientâ annorum comperi non esse veram felicitatem nisi in tranquillitate animi & conscientiâ bonâ. id est securâ & purâ mente quæ est juge convivium, nec maiores alibi reperi divitias quam in studio exercitioque verarum virtutum. Utinam fili mi hæc veritas tam altè insedisset animo tuo, ut nullis unquam deliciis, nec prosperis, nec adversis nullisque mundi persuasionibus, nec viribus concuti aut evelli inde possit. Facilis est, & iucunda hujus m.eæ propositionis probatio: magnitudo alicujus boni desumi solet ab e-
jus

V. I. 4.
ejus excellentiâ & pretio fructuum quos producit, hoc jam in utraque, quam tibi commendô, virtute est inæstimabile. Nam actus unus, exempli gratiâ, Fiduciae in Deum à te eo, quo oportet modo exercitus, cum producit vel unum gradum gratiæ, hujusmodi gradus utpote naturam excedens, præstantior est terrâ & elementis, cælo & astris, omnique eo quod cœli terræque ambitu continetur. Sicut gutta una balsami pretiosior est toto cæni oceano, & Jaspidis particula præstat Europæ atque Asie montibus. Sic Adamas punctum lapidis pretiosior auro, canit Manilius. Hanc porro gratiam si multiplices secundum numerum actionum sanctarum, quam nobilem divitemque meritorum colliges cumulum ex constanti assiduoque harum virtutum exercitio! Recense si potes singulos pedum gressus, cogitationes mentis, voluntatis motus, vitæ tuæ momenta sancte & religiose traductæ, invenies incomparabilem cœlestium donorum quæ lucratus es, thesaurum. Hujus amplissimi quæstus instrumentum est recta sinceraque voluntas: opifex est Timor Dei, Fiducia in divina bonitate, & conformatio voluntatis tuæ cum Divina. Primum horum, nempe voluntatem obtines naturæ beneficio, cetera facile consequi



sequi potes studio & consideratione indigen-
tiae tuæ & excellentiæ dignitatisque ejus qui
te condidit. Hoc unicum tibi testamento re-
linquo patrimonium vitæ tuæ & amoris in
te mei hæreditatem optimam: Dei Timorem
& mundi contemptum cum invicta Fiducia
erga conditoris tui providentiam in omnibus
calamitatibus, miseriis, & afflictionibus tuis.
Patientia acuet magnanimitatem tuam &
paupertas, qua alii abutuntur ad serviendum
pccatis, quotidiani instar censûs erit ad au-
gendum in dies meritorum cumulum Susci-
pe fili mi unicè dilecte , suscipe de paterna
manu testamentum hoc & expende hunc pre-
iosum thesaurum ea prudentia atque indu-
stria ut consequaris aliquando optatissimam
animæ tuæ quietem & statum illum bonorū
omnium aggregatione perfectum, quem fru-
stra amatores hujus mundi quærunt vanissi-
mo rerum caducarum studio. Sic felici sorte
consequeris opulentiam summam in egestate,
maximam gloriam in contemptu, & eva-
des ditior Regum principumque filiis qui
amplissimorum regnorum & provinciarum
hæreditatem adierunt. His ferè, verbis, meo
quidem judicio , Vir Sanctus ac sapiens usus
fuisset, si pluribus sententiam suam voluisset
explicare , sed paucis usus est quia loqueba-
tur

T. I. q. 11
tur intelligenti. Et mihi hujuscemodi verbis
uti placuit ad concludendum hoc opus, ut
conformi & historiæ & operis hujus initio
discursu velut dictorum compendium hoc
loco instituam. Sumus verè pauperrimi om-
nes & miserrimi & miserabilissimi, si non alia
possideamus bona, quām quæ terra profert.
Nihil egentius divitum & magnatum abun-
dantia, nihil spoliatus illorum bonis; & quo
plus habent, plus quærunt habere, & ditissimi
qui que pluribus indigent ut conservent quæ
possident. Quod si copia divitum inops &
indigens est, qualis erit inopia pauperum?
Quid igitur faciendum ut dulcescat nobis
tanta vitæ hujus indigentissimæ & miseri-
mæ amaritudo? *Pauperem quidem vitam agi-
mus*, ait Tobias, *sed multa bona habebimus,*
si timuerimus Deum, planè omnia habebi-
mus, si Dei Timorem & Fiduciam in Dei
providentiam possederimus: adhuc terram
incolentes sedebimus in *pulchritudine pacis*
& *in requie opulenta*: Isai. 32. anima nostrain
bonis demorabitur, in exultatione & gaudio,
sine invidia sine tristitia, sine odio, sine do-
lore, sine metu, sine indignatione, sine despe-
ratione; hæc enim ad orcum pertinent, & æ-
terna sunt damnatorum supplicia; Timentes
autem Deum nihil impedit quo minus af-
sequan-



sequantur quod desideriis sanctis & votis
prosequuntur, aut retineant quod perdere
metuunt. Omnes alii timores uni Dei Timo-
ri cedunt, inquit S. Chrysostomus, sicut qui
aqua laborat intercute, aut calculi cruciatur
doloribus, non percipit leves alios & tran-
seuntes dolores. Et cum nihil timeamus præ-
ter Deum, nihil etiam amabimus præter
Deum, nec in ulla re aliâ ponemus fiduciam,
adeo ut nihil omnino nisi solus Deus possit
nobis aut metum afferre, aut imperare spem,
aut provocare amorem. Hujusmodi vitam
ducebant aureo illo seculo nascentis Christi
Ecclesiæ alumni cum hæ divinæ virtutes tā-
quam cælestes Pandoræ pleno copiæ cornu
omnis generis bona in sui amantes effunde-
bant. Hi erant veluti duo fontes ex quibus
novello gregi largissimæ gratiarum & dono-
rum cœlestium aquæ profluebant. In nostr a
est potestate ut aurea ista tempora redeant &
sic arundem virtutum flores appareant in ter-
ra nostra, gustabimus & persimiles fructus.
Exdem nunc sunt quæ olim fuerunt, & ma-
nus Domini non est abbreviata, quo minus
effundat super nos torrentem pacis & cœle-
stium consolationum, quibus ditavit priora
Ecclesiæ parturientis secula, & potavit olim
credentium multitudinem.

§. VI.